

**Բ**ազուայ նահանգի վիճակագրութիւնը, որ կազմել է տուել Պ. Բողգէ նահանգապետը վերնագրովս «Обзоръ Бакинской губерніи за 1891 годъ», աւելի ճիշդ և ստոյգ լինելոյ պատճառաւ՝ կարեւոր համարեցի այն վիճակագրութիւնից քաղել ինչ որ իմ գրուածիս վերաբերեալն էր, ըստ որում այն վիճակագրութիւնից երեւում է ոչ միայն Բազու քաղաքը, այլ և նահանգի գաւառական քաղաքներն, և բնակչաց թիւն ու գործը, երկրի բերքն ու պտուղներն, և ինչ որ Բազուն արտահանում է հանքերից և երկրագործութիւնից, և ուղարկում է արտասահման և ինչ որ արտասահմանից ստանում է:

## ԲԱԳՈՒԻ ՆԱՀԱՆԳԻ ՄԱՍԻՆ

### ՀՈՂԱԳՈՐԾՈՒԹԻՒՆ

«Բազուի նահանգի տեղագրական պայմանները առաջացնում են ջրերի վերջին աստիճան անհամաչափ բաժանումն, տեղ տեղ նա բռնում է ահագին տարածութիւն, կազմելով, ինչպէս Լենքորանի գաւառում, ճահիճներ և ծովակներ (լճակներ), մի քանի տեղ էլ այնքան քիչ է, որ անհնարին է դառնում երկրագործութիւնը: Բայց ընդհանրապէս կլիմայական և հողային պայմաններն ունին ամենատեսակ յարմարութիւն բուսականութիւնը զարգացրնելու: Այս տեղ մշակվում էր յաջողութեամբ՝ շաքար—եղեգն, լեզակ, սափլօր (ծաղիկ, որ տալիս է կարմիր ներկ), տորոն, բայց զանազան տնտեսագիտական հանգամանքների պատճառով այժմ գլխաւորապէս մշակվում է՝ ցորեն, զարի, բրինձ և մասամբ բամբակ, ծխախոտ, քունջուտ ևն:

«Կլիմայական պայմանները ներկայ տարում, համարեա՛ ամենուրեք, կատարելապէս յաջող էին. զարնանը գալիս էին յորդ անձրեւներ, ուստի ստացուեցաւ առատ ցորեն և ահագին քանակութեամբ խոտ: Միայն Ղուբայի գաւառի մի քանի տեղերում, անձրեւներից լետոյ սկսեցին չոր քամիներ, որոնք մասամբ չորացրին դեռ չհասած հացահատիկները և որոնք տալիս էին սակաւ ալիւր: Թեթեւ անձրեւները, որ տեղում էին հնձի ժամանակ, թէ և